


遊杭日記

湖園主人
乙丑年七月



地824
923

乙丑九月廿九日錢秋岩贈



全

七月二十五日

三點由家起身到車站趁四點半車開行七點至天津王君九來站招待約吃晚飯唱曲住泰安棧散後十一點

二十六日

王君九又約唱曲未去午後同同行者曹小姐母女往大舞台看戲有小武生名曹菊生武工頗佳

二十七日

早十點乘津浦車南下過楊柳青又靜海縣又唐官屯午後十二點至滄州又桑園四點半至德州城池甚大五點半至平原又禹城七點十分過黃河橋長二里餘遙望駱駝山七點半到濟南府車站人烟繁盛停車甚久又至長夏九點一刻至萬德十點至泰安府惜時已昏黑不得見泰山面目十二點半至兗州府夜間所過不知大約曲阜臨城等處

二十八日

早五點至徐州四圍山繞均似着色米山蒼翠撲人與北方之山大不同矣過符離集七點三至宿州城垣數里頗大九點三過固鎮十點至新橋又過曹老集十點至蚌埠又門台子又臨淮關又板橋小溪河又石門山一點至管店一點一刻至三界四圍皆山均不甚高一點半至張八嶺距浦口一百八十里又至沙河集兩點鐘至滁州隸安徽省又担子街兩點三至烏衣又東葛又花旗營浦鎮四點至浦口乘輪船渡江船甚寬敞潔淨四望江景令人心曠神怡僅一刻鐘過江江南景物與江北又大懸殊乘洋車往南京下關中西旅館劉鳳叔曹小姐等是晚乘快車赴滬此處距南京城十二里

二十九日

早八點一刻乘滬寧慢車見南京城垣數十里與北京無異城內



有山三座秦淮河亦在城內山清水秀與北省迥異過神策門又
太平門火車均穿山而行山色森秀使人又過堯化門道經棲霞
山寺於山之麓惟見紅牆一角又龍潭此時車行左為水田右為
羣山其峯巒林壑似唐大如澹蕩秀逸之圖畫也又下蜀又高資
十點半至鎮江丹徒縣金山焦山均在目前此處余幼時隨侍遊
宦曾遊此山記焦山寺內有東坡帶李白巾金寺山塔內八哥最
多計三十餘年舊遊重經曷勝今昔之感由此火車穿山洞行三
四分鐘之久又至鎮江南門車站見山頂甘露寺由甬依山修造
至頂殿宇四五層整齊雄壯門外有試劍石山頂有塔矗立又過
渣滓十一點過新豐十一點半丹陽又陵口又呂城又奔牛一點
至常州武進縣又戚墅堰又橫林又洛社又石塘灣兩點三刻至
無錫見惠泉山樹木叢密禪林庵院甚多又過無錫南門旗站又
過周涇巷三點半至蘇州南望亭二妻徐氏即此處人也當於此
下車回家省視余同其步行向南穿稻田行去里餘伊離家計今
三十餘年門巷均不記憶中途與土人詢有種桑養蠶之徐翁家
幸土人知之甚詳五先為導引至徐翁所開之木店後面即其居
室房三楹西院又兩楹院中單棚房屋尚軒敞潔淨伊將西院掃
除為余安置行李夜間微雨十一點寢

七月三十日

午後乘其自用小舟往其家中看視掉小舟前往荻岸漁磯水天
一色輕搖小槳如置身於圖畫中也進一溪大竹夾岸曲折而入
直抵門前房舍無多清幽異常進門兩捲房三間東西房各一間
屋內互通院中右首大桂樹一株時值盛開香氣逼人後門外大
枇杷樹數株此房後三面以大竹密林為垣前面溪河滿種菱藕
後面竹林外又女桑八百餘棵室內雖不華麗而潔淨無塵時有
鄰家婦女知其回家咸來問訊內有與其幼時同學姊妹二人見

之尤覺親密在此小憩即登舟返棹楓葉荻花一帆殘照仍至木
店登岸伊處土風是日為地藏王聖誕各家均以小紅燭揮於河
之兩岸晚間滿河燈火頗有趣

八月初一日

今早二妻與其父母作別午餐後覓得小舟名無錫快乘之往蘇
沿途大石橋十餘座另有各式小石橋甚多形式甚雅至澣關兩
岸悉臨河商店來往船隻以青年婦女搖櫓居多皮膚白晰蓋水
色所關也至十里亭此距澣關十里關上距望亭十八里共計至
蘇四十五里至此已可望虎邱之塔舟至虎邱山門下中隔一河
對面照壁書海湧流輝山門匾虎阜禪林門內神路旁有鴛鴦塚
二層門匾虎邱勝境此殿為斷梁殿其中梁係斷梁門內有貞娘
墓有憨泉試劍石又虎丘劍池講經台點頭石又千人石遊畢下
山登舟見隔壁為李鴻章祠堂夾河十餘里均商舖住戶人物駢
闐下船住老蘇台旅館窗臨街市其繁華不減上海街上電燈下
妓女逐隊遊行晚飯後獨往對門新舞台觀劇有童伶名神童張
竹軒演越虎城秦懷玉故事武工絕佳都中伶人自來無此技藝
也

初二日

早起進閶門內宋萬茂笛店選笛歸早餐後乘馬車至留園曲折
遊廊正庭三楹不甚軒豁板壁刻留園全圖又穿廊而入院中大
池假山古樹甚多水中庭榭均以曲折橋通之此外尚有十餘院
落或水池或假山或軒敞大廳或曲折精舍樓台環繞形式不同
各得雅趣最妙者各院均有桂花大樹計不下六七百株餘者以
棕樹枇杷樹芭蕉樹紅梅臘梅為多又有不知名者亦復不少園
內遊廊牆壁均嵌有名人石刻翁劉王鐵四家甚夥出園四點餘
鐘西行里許有一大寺院名西園戒幢律寺局勢甚大山門外兩

行桂樹殿宇宏敞計三層院中水池池內大龜甚多至大云有八十餘斤者殿宇鮮明整齊西偏有五百羅漢堂仿靈隱寺修造六點乘馬車回寓晚飯後又往看張竹軒戲

初三日

午間宋萬茂來送笛午後一點由蘇起身赴杭乘民船以輪船拖帶因欲看沿途風景故未乘車船沿姑蘇城向南而行雉堞連綿十數里過寒山寺六點夕陽西下水村暮靄歸漁唱晚頗堪入畫所惜村鎮城郭無鄉導之人無可詢名艙中湫隘飯食甚劣不能下燕夜間所過城鎮甚多商店房舍均夾岸排列

初四日

早四點即醒隔窗見河內菱花一望無際沿途水光山色碧可接天處處之山皆有廟宇古樹叢雜惜詢之舟人因南北語言不通不得其名由蘇至杭三五里即有一橋各種形式不同自七點過

藍亭自此以南均水竹村舍大竹参天一望無際所有村居均以竹為徑夾水而行竹溪各處可通九點至一村落夾岸悉植桂花枇杷房舍以竹為樑柱為牆壁八點過塘西北處距杭三十五里十點至杭拱宸橋登岸乘洋車至湖濱旅館此棧開設於西湖岸上臨湖而造樓房四十餘楹湖光山色盡歸眼底午餐後即乘遊船往遊先至錢王寺遠望城隍山遊三潭印月此處所有房舍均建於湖內各處以曲折橋通之內有關帝廟有彭公祠又卅字亭余在此拍照有南太湖石三塊玲瓏皴透約高一丈五六尺又三角亭橋亭扇面亭高宗御筆三潭印月碑亭丹桂盛開由此往遊岳鄂王墓山門外局勢甚大鄂王殿三層極高大宏廠左有五侯殿右五夫人殿此即鄂王五子五媳西偏為岳武穆家祠正殿亦極高大供岳王父母之像其全家像均在兩配殿內再西即岳鄂王墓停有岳雲之墓石門內有石欄鐵跪像四個秦檜王氏等門外

有忠井再出石門一層有宋柏亭此樹與岳王同占千古今未化為石矣出廟登舟遊錢塘蘇小小墓又武松坟又遊西泠進門水樹石橋可通以上坐落均隨山修造大竹為徑可攀扶而上有漢三老石室有石像三四人有石塔一座上錫華嚴經咒由此再遊湖心亭僅有大殿一層尚未修齊北院有迎湖小庭三間無甚意趣再遊平湖秋月迎湖大庭三間左右有水榭數楹有南太湖石兩塊高約丈餘瘦透可愛由此返棹歸寓飯後閒踏至新市大街繁華熱鬧與滬無異惟不見有妓女歸來就寢聞人聲鼎沸即出身看視始悉隔壁房間客人因吃大煙為警察所獲直至夜深始無人聲

初五日

早六點醒隔窗見西湖山色迷離一湖煙雨十點後雨稍息仍不得出遊午餐後偃卧床榻隔窗望湖睡兩鐘晚飯後在街間步見一戲園便信步進內觀戲台上有一白鬚老生同一青衫旦角老生赤足穿草鞋青衫面上畧以泥塗同唱反調後老生不知因何摔一鏢子青衫亦即飛身由上摔下一鏢子不知是何戲名歸寓十一點矣

初六日

早五點起隔窗見西湖中烟霧迷漫南北屏山不見八點覓肩輿冒雨出遊先至保俶塔俗名美人塔北山寶俶南山雷峰南北相峙雷峰塔俗名羅漢塔今已傾圮矣沿山石刻佛像甚多俯視西湖北堤斷橋過喜雨亭又覽燦亭登葛嶺山葛嶺寺殿宇數層隨山式而修殿後有古井一眼本寺道人汲水傾入盆中置銅錢一枚可浮於水面再上有雙層石亭一座上為葛仙翁煉丹台下層有一碑刻葛仙翁像文曰晉闕內侯葛洪之像由此過後山再上棲霞嶺十數里均五六寸大竹夾路桂花盛開至妙智寺旁有牛鼻坎妙智寺殿宇數重上有紫霞洞其洞深幽而整齊潔淨處處

通明洞底供三大士石像旁有一泉名七寶泉旁又一洞殿宇修於洞內奉祀觀音由此出廟沿山而行經宋張文烈侯張顯之墓沿途大竹蔽天無縫至清澗寺旁有古珍珠泉又一院內大池畜有放生大魚紅黑花白各色咸具大有三尺餘極多寔大觀也出廟十餘里竹林不斷十二點至靈隱寺山門外協興樓飯舖早餐正值下雨有西湖魚鮮美異常餘菜亦均適口飯後先往三天竺入天竺街一里餘兩面商舖均係僧人或香燭店雜糧店飯館等等均是僧人至下天竺殿宇宏大新修者遊畢再往中天竺殿宇三層隨山而修院內桂花有大可二人合抱者均盛開又至上天竺其規模尤宏敞殿宇雄壯過後山仍沿竹徑登山至韜光殿宇亦隨山而修以大竹引水而下土人云靈隱借韜光之水韜光借靈隱之路韜光寺至嶺有呂祖煉丹台台後即韜光泉也池水清澈內有五爪龍形又似守宮之動物出寺下山往遊靈隱寺由寺

後門而入即正殿規模宏大殿四層停有羅漢堂規模宏大與京西碧雲寺畧似庭院桂樹香可逼人山門外有送子洞老虎洞有冷泉亭三座均有聖祖五高宗御筆扁額下即冷泉對面飛來峰山上石佛像甚多下有一洞即一線天也洞不甚深僧人以長竹上指洞頂有光一線而入見光內有小佛服白色衣據僧人云所衣隨時變色不知確否由此下山遊招賢寺又名玉佛寺因正殿供白玉佛像一尊高可七尺餘殿三層均新修者出寺門即西湖內湖北岸正對放鶴亭湖堤一線此北堤有高宗御筆雙峰插雲碑亭七點歸寓飯後乘洋車進城街市繁盛

初七日

早七點乘肩輿出遊南屏山諸景先至淨慈寺殿宇宏敞東西均有女居士在彼與僧衆隨班念經西北院有殿一層有一古井名運水井云係濟公修廟時大木均由此井內運出山門外有高宗

御筆南屏晚鐘碑亭向西走蘇堤又御筆花港觀魚碑亭又蘇堤
春曉碑亭遊于公故殿宇二層均已傾圮有石像生華表局勢甚
大為明于忠肅公之墓由此過三台山東嶽廟又過南天竺寺至
龍井寺道古溪亭過鳳凰嶺寺內殿宇一層客堂數楹龍井泉上
有一亭額曰江湖一釣亭康有為所書有南湖石一一座名神運
石此石是兩石合而為一中有一縫由此而上有賣龍井茶店一
處據云此處所售乃真龍井茶因依龍井周圍所種之茶樹吸收
龍井之水而生味清而香與市間所賣不同伊處並不發行自採
本店出售其柜上均以姿色秀美婦女時式妝束招待主顧方桌
陳設粉瓷蓋碗十數個將各種新茶泡好請余品評寔與市上所
買大有懸殊因購數種有明前春前其酬應極其周到和平由此
再遊烟霞洞深十餘丈洞外有蘇東坡石像有婦女售賣食物者
數處有象鼻峰上為銅裏佛因峰頂天然似銅內有石佛尊此洞

主人非僧人住持東偏有一院落即主人翁所居居士也正庭三
楹東院又三楹再上有一亭名曰卧獅亭是寶湘石中丞曾任浙
藩時取石象形而築是亭再上有吸江亭面對錢塘江亭外有丹
桂一大株更上又有亭名陟屺亭其房舍均絕精雅一切裝修均
無油飾本色乾磨主人金姓號復三曾為寶湘石幕友因時局變
更遂入山不與世人通僮僕兩三人僅此而已主人留飯親自烹
飪均是素菜味極精美一切傢俱無不清潔主人談吐風雅奉客
殷勤令人欣感飯後作別主人送至門外目送肩輿而去頗有戀戀
之意下山遊水樂祠無甚風景又沿山行十數里均以大桂花夾
徑時值盛開香氣聞之令人如醉至石屋洞內刻七百尊石佛上
又一乾坤洞據云康王曾於此處避難前有殿宇一層此處僧人
俗不可耐令人不堪久坐出廟至定慧寺進山門有水池有橋可
通二層山門內正殿宏敞整齊中奉濟公祖師金像西院一殿供

濟公照像此像是此壇所照在西院濟公園寂塔殿石塔所刻濟公一生事跡院內放生大魚池一僧來招待此人也詢之係軍界出身棄任出家者真得大解脫矣又東院即虎跑寺內殿寬大西院有一泉池即虎跑泉是也據石偈所載唐有僧人某來此擬開山修廟因苦此山無水不能修築僧即於對山晝夜唸經求救如是七晝夜忽夢神人指示令其堅志前進自有神助醒後即見來一虎以爪跑山隨出湧泉因以虎跑名泉云由此下山穿竹林桂林而行回寓七點

初八日

早七點四十分乘滬杭甬快車赴滬所過長安斜橋硤石王店十點至嘉興府甚繁盛又過一城不知名又楓涇石湖又松江府一點至上海住新惠中旅館訪吳引之引之約看戲徐碧雲唱薛瓊漢

初九日

吳引之夫人來約遊大世界看文明戲晚吃大餐

初十日

引之大世兄吳孟餘與其孫小姐携帶了環來接余同遊新世界與京新世界略同新世界與新新世界中隔一大馬路不能相連在地下掘一地道兩世界相通地道以瓷磚作成電燈明亮北京未有也晚間乘汽車訪聚卿不遇

十一日

吳引之遣其二世兄吳甫舟送來新豐船大餐間免票十三開船午後又同吳孟餘訪劉聚卿時已三點聚卿方起見之攀談甚為闊切又將其五歲孫喚出叩見其所居房舍精美陳設則分別部居一室陳磚瓦一室陳宋磁一室陳各種宣德爐又一室陳古琴三張一九霄環珮一鶴鳴秋月一石上枯龍池內均有唐開元某年月日雷霄字樣斷紋則兩蛇腹一牛毛九霄環珮是余為介紹

購得者聚脚因戲謂汝之介紹人又來候汝矣其最得意之雙忽
雷亦在此室其他室銅磁各器無不古色斑斕留余吃點心有四
婢均在十五六歲服色如一捧出小菜蔬精美異常吃後同余看
園中樹木丹桂銀桂枇杷玉蘭香圓木瓜佛手棕樹花木繁多人
生清福為其享盡矣六點辭去進城遊城隍廟城內狹窄非常

十二日

午後往引之處辭行在彼晚飯蒙其伉儷送上新豐輪船

十三日

八點開船晚間微風稍覺顛播

十四日

五點醒風甚大船中頗覺懸暈幸不嘔吐黑水洋浪花丈餘晚月
色皎潔船頭賞月

十五日

風浪如昨船不能快行海中月色清潔晚九點抵烟台船停海中

十六日

風浪稍息早十點烟台外國人上船驗病客人均上艙面驗看風
甚涼午後十二點開船

十七日

今日風息十二點至大沽口因候潮不能進口兩點潮至開行進
口又停候中醫驗病驗後開船晚七點始抵天津住長發棧與家
中通電明日來接

十八日

七點上車十二點到京



古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室